

REGLUGERÐ

um tollfrjálsar verzlánir á Keflavíkurflugvelli á vegum ríkisins.

1. gr.

Starfræktar skulu, á vegum ríkisins, sölubúðir á Keflavíkurflugvelli, er selja tollfrjálsar vörur, áhöfnum og farþegum millilandaflugvéla, sem eru að leggja af stað til útlanda. Nafn sölubúðanna skal vera: Frihöfnin, Keflavíkurflugvelli.

Í Frihöfninni má selja hvers konar varning, eins og tíðkast í frihöfnum erlendis.

2. gr.

Frihöfninni skal stjórnað af frihafnarstjóra, sem utanríkisráðherra skipar, og ber hann ábyrgð á rekstri hennar undir yfirstjórn utanríkisráðherra.

Annað starfslið, sem nauðsynlega þarf við daglegan rekstur Frihafnarinnar, skal frihafnarstjóri ráða að fengnu samþykki utanríkisráðherra.

3. gr.

Tollgæzlan á Keflavíkurflugvelli skal sjá um og bera ábyrgð á að gætt sé nauðsynlegra varáðarráðstafana um meðferð seldrar vöru, unz farþegar og áhafnir eru komnar um borð í flugvél þá, er flytur þá úr landi.

4. gr.

Frihöfnin fær, unz annað kann að verða ákveðið, til umráða í flugstöðvarbyggingunni á Keflavíkurflugvelli húsnæði fyrir skrifstofur og sölubúðir ásamt birgðageymslum, eftir því sem mögulegt er og reksturinn krefst á hverjum tíma, svo og birgðaskemmur innan flugvallarsvæðisins, eftir því, sem þörf krefur.

5. gr.

Frihafnarstjóri skal halda nákvæma skrá (birgðabók) um allar vörur, sem fluttar eru til Frihafnarinnar.

Þegar vörur eru seldar til Frihafnarinnar skal fylgja þeim nákvæm skýrsla til tollgæzlunnar á Keflavíkurflugvelli, þar sem tilgreint er hvaða vörur er um að ræða í hverri sendingu, og skal tollgæzlan bera ábyrgð á og hafa eftirlit með, að vörur þessar séu fluttar til Frihafnarinnar.

6. gr.

Þegar heimilt er að endurgreiða innlent tollvörugjald eða aðflutningsgjöld af hráefni í iðnaðarvöru við útflutning ber að endurgreiða nefnd gjöld, ef Frihöfnin kaupir slíkar vörur, sem söluvarning. Skulu gjöldin endurgreidd, þá er varan er komin í tollvörugeymslu, skv. vottorði tollgæzlumanns.

7. gr.

Frihöfninni er heimilt að annast innflutning á öllum varningi, sem hún óskar að selja á sínum vegum.

Einnig er Frihöfninni heimilt að kaupa vörur beint úr tollvörugeymslu innflytjenda.

8. gr.

Útfylla skal í tvíriti afgreiðsluseðil fyrir hvern þann, sem viðskipti á í Frihöfninni.

Skal þar greina:

a) Nafn flugfélags.

b) Í hvaða gjaldeyri er greitt og hve mikið.

Viðkomandi kvittar á bæði eintökin. Að því búnu skulu vörurnar settar í umbúðir, með innsigli: Frihöfnin- Keflavíkurflugvelli, Duty Free Store- Keflavík Airport.

Kaupanda skal síðan afhent annað eintak afgreiðsluseðilsins, en Frihöfnin heldur hinu.

9. gr.

Frihöfnin skal selja varning sinn í erlendum gjaldeyri, þó með þeirri undantekningu, að Íslendingum skal heimilt að verzla í Frihöfninni fyrir þann íslenska gjaldeyri, sem þeim á hverjum tíma er leyfilegt að hafa með sér úr landi.

Meðan ekki er starfrækt bankaútibú með gjaldeyrisviðskipti í flugstöðinni, er erlendum flugfarþegum heimilt að verzla fyrir allt að þeirri upphæð í íslenskum gjaldeyri, sem þeir geta sýnt kvittun fyrir að hafi verið keypt í íslenskum banka.

10. gr.

Ef flugvél er komin af stað frá flugvellingum, en verður af einhverjum orsökum að snúa aftur, skulu tollgæzlumenn taka í sínar vörzlur, vörur sem keyptar hafa verið í Frihöfninni eða gæta þess að ekki sé farið með þær út úr flugvélinni.

11. gr.

Frihöfninni er heimilt að senda vörur í pósti til viðtakanda búsettra erlendis í samráði við tollyfirvöld, enda hafi varan verið greidd fyrir fram.

Tollgæzlan skal bera ábyrgð á, að réttar vörur séu sendar samkvæmt pöntunum og bera ábyrgð á, að vörunum sé komið í hendur pósthjónustunnar.

Afgreiðsluseðill, vegna póstsendinga þessara, skal útfylltur á sama hátt og ef um staðgreiðslu er að ræða í Frihöfninni, nema hvað tollgæzlumaður og póstafrgreiðslumaður staðfesta með undirskrift sinni móttöku vörunnar fyrir hönd kaupenda.

12. gr.

Birgðir Frihafnarinnar skal telja svo oft, sem ástæða er til og bera saman við birgðabók og afgreiðsluseðla.

Niðurstaða talningar skal send utanríkisráðherra og tollgæzlunni á Keflavíkurflugvelli hverju sinni.

13. gr.

Ef Frihöfnin hefur í birgðum sínum illseljanlegar eða gallaðar vörur, er henni heimilt að selja þær til þeirra aðila hjá varnarliðinu, sem rétt hafa til innkaupa fyrir erlendan gjaldeyri.

Sala þessi skal fara fram undir eftirliti tollgæzlu.

14. gr.

Skrifstofa frihafnarstjóra hefur á hendi allt bókhald vegna Frihafnarinnar.

Frihafnarstjóri skal árlega senda utanríkisráðherra sérstaka áætlun ásamt greinargerð um tekjur og gjöld Frihafnarinnar til afnota við samningu fjárlaga.

15. gr.

Frihafnarstjóri skal að jafnaði eigi sjaldnar en vikulega selja til banka allan innkominn erlendan gjaldeyri.

Reglugerð þessi er sett samkvæmt lögum nr. 47 frá 11. júní 1960, um tollvörugeymslur o. fl., til þess að öðlast gildi þegar í stað.

Jafnframt fellur úr gildi reglugerð nr. 175 frá 6. október 1960, um tollfrjálsar verzlanir á Keflavíkurflugvelli á vegum ríkisins.

Utarríkisráðuneytið, 17. desember 1968.

Emil Jónsson.

Páll Ásg. Tryggvason.

3. desember 1968.

Nr. 310.

HAFNARREGLUGERÐ

fyrir Norðurfjarðarhöfn.

I. KAFLI

Takmörk hafnarinnar.

1. gr.

Norðurfjarðarhöfn tekur yfir Norðurfjörð innan línu, sem hugsast dregin úr Bergistanga norðanmegin fjarðarins í Urðarnes sunnan fjarðarins.

II. KAFLI

Stjórn hafnarinnar.

2. gr.

Gjöld þau, sem ákveðin eru í reglugerð þessari, skulu renna í hafnarsjóð Norðurfjarðarhafnar og skal honum varið til greiðslu kostnaðar við rekstur hafnarinnar, til þess að gera umbætur á höfninni, til byggingar mannvirkja, er höfninni tilheyra. Hafnarnefnd Norðurfjarðarhafnar skipa þrír menn, sem hreppsnefnd Árneshrepps kys til fjögurra ára í senn. Hafnarnefnd hefur á hendi innheimtu hafnargjalda og reikningsskil fyrir hafnarsjóð. Kosning í hafnarnefnd skal jafnan fylgja hreppsnefndarkosningum.

Hafnarnefnd skal sjá um, að reglugerð þessari sé hlýtt og stjórnna hafnarsjóðnum með eftirliti hreppsnefndar.

Hreppsnefnd veitir fé úr sjóðnum til umræðrra framkvæmda eftir úllögum hafnarnefndar, og ber ábyrgð á sjóðnum sem öðrum eignum hreppsins.

Reikningur hafnarsjóðs skal fylgja sveitarsjóðsreikningum og endurskoðast og úrskurðast ásamt þeim.

3. gr.

Öll gjöld samkvæmt reglugerð þessari má innheimta með lögtaki.

III. KAFLI

Um almenna reglu.

4. gr.

Hafnarnefnd sér um, að gætt sé almennrar reglu á höfninni og við hana. Er öllum skylt að hlýða boði og banni tafarlaust og enn fremur þeirra starfsmanna, sem hún setur til þess að gæta reglu.